


- telingaol:** (*teling`aol*)
telingaol a cheleblad; blulak,
metingolii a sechelil; outingaol,
telingolel.
- telinget:** (*tel`inget*)
telinget a telenget; mla metinget;
melinget a butiliang, tminget a
dingal; tngetet; delangeb.
- telingolel:** (*telingol`el*)
telingolel a telingaol er ngii;
outingaol, chelbeldil.
- telirem:** (*tel`irem*)
telirem a telkib el telemall; telkib el
mekngit; tiremii a medal; teremel
a reng.
- telisechem:** (*telis`echem*)
telisechem a olkael; tang el
ilsechem; sebechel a chim el
isechemii a teisechem.
- telit:** (*tel`it*)
telit a blsibs; mla metit; titir a
ilumel; tmit a mengur; melit, titil
a ilumel.
- telitai:** (*telit`ai*)
telitai a mla metitai; titiur a lius,
toitai a bduu; melitai er a bdungel;
titiul.
- telitech:** (*tel`itech*)
telitech a ngar ngii a titech er ngii;
mla titechii a medidai el osib;
tmitech a kamang, melitech,
titechel.
- Teliu:** (*tel`iu*) (1)
Teliu a chimo er a rengedel a
beluu er a Beliliou.
- teliu:** (*tel`iu*) (2)
teliu a telkool; mla metiu; tmiu a
bilel, tiungar a ngelekel; meliu a
ditel; tiungal a ngalek.
- teliu:** (*tel`iu*) (3)
teliu a ta er a bedengel a cheleuikl;
mengaus er a sualo el teliu.
- teliualech:** (*teliu`alech*)
teliualech a mla metiualech; oba
tiualech el meliualech; iedel a
teliualech; tiulechii a meradel;
tiulechel.
- teliud:** (*tel`iud*)
teliud a teluidel; mla metiud;
tiatedii a sangdiang; tmiud a bobai,
meliud; tudel a bobai.
- teliutech:** (*tel`itech*)
teliutech a olkael; ta el omeliutech
a teliutech.
- telkael:** (*telk`ael*) (1)
telkael a mla metuk; tukur a
chutem, tmuk a mesei, telkelel.
- telkael:** (*telk`ael*) (2)
telkael a kllungel; mo medengei a
telkael er a chetemel; telkelel a meklechel.
- telkaki:** (*telk`aki*)
telkaki a delisaki; mla metkaki me
ng mesisiich; tukeklii a blai, tukaki
a chimal er a tebel; tkekkel.
- telkelel:** (*telkel`el*)
telkelel a telkael er ngii.
- telkib:** (*telk`ib*)
telkib a diak le klou; kekerei;
telkib el kall.
- telkool:** (*telk`ool*)
telkool a teliko; beldoel.
- telkub:** (*telk`ub*)
telkub a ta el klub; telkub el lius;
teblong el uldak a telkub.
- tellatel:** (*tell`atel*)
tellatel a blitokl; mla metellatel;
ngar er iou a bdelul e a ochil a
bedul bab; tultelii, tulatel, mellatel,
teltelel.
- tellechekl:** (*tell`echekl*)
tellechekl a chebecheb el
chelellakl; tellechekl el meluluuch.
- tellemall:** (*tellem`all*)
tellemall a mla mo mekngit; mla
metemall; tomellii a tekoi, tomall a
klalo; temellel.
- tellib:** (*tell`ib*)
tellib a nglatech; mla metelib; mla
mecherumet; tolib a belatong,
tobengii a olekang, telbengel.
- telmedeu:** (*telmed`eu*)
telmedeu a olkael; kllemengetel a
ta el deleu er a chim; telmedeu el
kerreel.



telmotm

telmotm: (telm`otm)

telmotm a telimd; mla metmotm;
timotm a titimel; timetmii a
mengur, melmotm, timetmel.

telmukl: (tel`umk)

telmukl a ungil el remenges e
mtab; bekeasem a dengchokl e
melai a telmukl er a tekoi e uriul e
ng ourreor el melasem; soal el
ouchais.

telngakl: (telng`akl)

telngakl a mla mengunguuch; mla
metngakl; tingeklii a rengul a
meltord; tngeklel a rengul er a
udoud.

telnggetngelel: (telnggetngel`el)

telnggetngelel a telngot el ngii a
mlelngot.

telngimech: (telng`imech)

telngimech a ta el ngimech;
telngimech er a kar, ralm.

telngoech: (telng`oech)

telngoech a mla metngoech; mla
medort; tingoech a kukau;
melngoech.

telngot: (telng`ot) (1)

telngot a seliik; mla metngot;
melngot a odoim; tnggetngel.

telngot: (telng`ot) (2)

telngot a ta er a bedengel a
dellomel el ongraol.

teloadel: (tel`aad)

teloadel a telaod; telaod a rengul a
betok a uldesuel.

teloched: (tel`oched)

teloched a telemall; teloched el
chais a diak le merang me a lechub
e ng cheleuid

teloched: (tel`oched) (1)

teloched mla metoched; tochedii;
tmoched a chimal er a such.

telochel: (teloch`el)

telochel a telooch er ngii.

teloi: (tel`oi) (1)

teloi a uldimukl; obengterir, oltoi
er ngii er a seked; otongii er a
omerael; otongel.

teloi: (tel`oi) (2)

teloi a teliud el dibus a kirel el
ngar er ngii; teloi a ngerel; diak el
ulsiu a berdel a ngerel; chesubech
a teloi a ungelel.

telok: (tel`ok)

telok a ultok; diak el ungil; diak el
ngar er a urebetellel a tekoi; telok
el cheldecheduch.

teloketekengel: (teloketeng`el)

teloketekengel a teloketok er ngii;
outoketok; omtok.

teloketok: (teloket`ok)

teloketok a outoketok; omtok a
medung; kautoketok, diak le moades
el cheldecheduch; teloketekengel.

telolem: (tel`olem)

telolem a ochur (6) er a rechad
telolem el ekebil; telolem el buik.

telom: (tel`om)

telom a dimlak a le ngai; mla metom;
mlo er a chei e diak a cheldil; temeel.

telongakl: (telong`akl) (1)

telongakl a metongakl el chad;
diak le kekedeb; melekoii er a
klemanget er a chad.

telongakl: (telong`akl) (2)

telongakl a mla metongakl; ngar
er a bab; kldoel er a bab; babier a
telongakl er a bab.

telongklel: (telongkl`el)

telongklel a telongakl er ngii;
metongakl el dil.

telooch: (tel`ooch)

telooch a rringet el kall; ngalek a
menga telooch; tmochii, tmooch;
tochel a ngalek.

telord: (tel`ord)

telord a meknngit a rengul; telemall
a rengul; mla metord e merael;
tordii a bechil, terdel.

telotoi: (telot`oi)


telotoi a mla metotoi; betok el
kakerous e a ngodech a urrebet er
a deleongel; rengalek el sechal me
a redil, meklou me a mekekerei;
urrachem.





- telouch:** (*tel`ouch*)
telouch a mla metouch; tmouch a ramek; melouch a dui, touchii, tuchel
- telouch:** (*tel`ouch*)
telouch a ta er a ngklel a ramek.
- teltekakl:** (*teltek`akl*)
teltekakl a nglai er a ulach; mla metetekakl a dui; totekakl a llel a tuu; teteklel.
- teltull:** (*telt`ull*)
teltull a mochu merek; moutekangel e a urreor a di teltull le kung; kmeed el mo merek.
- telub:** (*tel`ub*)
telub a mla metub; telub a kboub; tubar a ulaol; tbal.
- telubech:** (*tel`ubech*)
telubech a mla metubech; nglubech.
- telubechou:** (*telubech`ou*)
telubechou a tubechebachel; diak el telengtungd; telubechou a meklou el cheliut; telubechou el chedecholl.
- teluchel:** (*tel`uchel*)
teluchel a mla metuchel; orrekorek er a chutem, oltengkou a meluchel er a chutem, redil a telechull a kall; techelel.
- teludaol:** (*telud`aol*)
teludaol a tudaol; charem el ko er a chemaidechedui e ng di chedelekelek a bedengel.
- teludelel:** (*tel`udelel*)
teludelel a teliud er ngii.
- telueang:** (*telue`ang*)
telueang a ta el oeang; telueang el mengur.
- teluetech:** (*telu`etech*)
teluetech a chimo el uetech; ta el uetech.
- teluich:** (*tel`uich*)
teluich a mla moues er a mellomes; mla metuich; tmuich a ngikel; tuietchii a medal; meluich er tir; tichel.
- teluk:** (*tel`uk*) (1)
teluk a delobech; mla metuk; medebes; tukur a kerrekar; tmuk a ngikel; tkul.
- teluk:** (*tel`uk*) (2)
teluk a mla metuk; mla mocholt a klemengetel.
- telukal:** (*teluk`al*)
telukal a ongeuang el kesus er a uriul er a orakiruu; sebecchel a di ta el okal e ongesechii a buil.
- telukouk:** (*teluk`ouk*)
telukouk a teluchel; mla metukouk a chutem; mengaml e mesib; toukukii a sersel; tukukel.
- telul:** (*tel`ul*)
telul a telau er ngii el ekebil.
- telulasech:** (*telul`asech*)
telulasech a kaukbuk; telulasech el oacher, telulasech el bail.
- telungalek:** (*telung`alek*)
telungalek a delengchokl.
- telungd:** (*tel`ungd*)
telungd a rrumes er a olungd, mla metungd; tungdii a ochil; tmungd a chimal; tengdel.
- telungl:** (*tel`ungl*)
telungl a mla metungl; turengur a bul; tmungl a bechochod; melungl; tenglel.
- teluong:** (*telu`ong*)
teluong a ocherengel a mekemangel; teluong el bambuu; teluo el diokang; teluo el deb.
- telut:** (*tel`ut*)
telut a mla metut; tolochoi a mla tmut el okngemed; tutur a tul.
- telutau:** (*telut`au*)
telutau a cheleuikl el meolt el ulitech el rola meang me a omechell.
- telutk:** (*tel`utk*)
telutk a nglilt; mla metutk; telutk el mo er a omerael; tutkii, ngar er basech; tetkel.
- temaitolok:** (*temaitol`ok*)
temaitolok a mekekerei el ngikel er a taoch me a keburs.





temall

temall: (*tem`all*)

temall a olai el melemall e olsecher e sebechel el omekoad a rechad.

temamungel: (*temamung`el*)

temamungel a temamuu.

temamuu: (*temam`uu*)

temamuu a kokok, deleb el mekngit a medal; temamungel.

temang: (*tem`ang*)

temang a tebang.

tematel: (*tem`atel*)

tematel a smechekill; kirel el metamet; tometii a rengul; tuamet a chebirukel; temetel a cheldech duch.

temekai: (*temek`ai*)

temekai a ta er a bedengel a ngikel.

temel: (*tem`el*)

temel a taem er ngii; belsechel a riid.

temellel: (*temell`el*)

temellel a temall el ngii a tilemellii.

temetamel: (*temet`amel*) (1)

temetamel a ta er a bedengel a cheled.

temetamel: (*temet`amel*) (2)

temetamel a ukelall a kerrekar ngii; kirel el metemotem; tometemii, tomotem a oreomel.

temetel: (*temet`el*)

temetel a omelamet er ngii; melamet.

temikel: (*tem`ikel*) (2)

temikel a chur; temkelel a dui er a liuschurul a touechel; temikel a skobang.

temikel: (*tem`ikel*) (1)

temikel a kirel el mengai; kirel el metamk; tomkii; tuamk a chesemel.

temingel: (*teming`el*)

temingel a temoi er ngii.

temkel: (*temk`el*)

temkel a omelamk er ngii; melamk.

temkelel: (*temkel`el*)

temkelel a temikel er ngii.

temoi: (*tem`oi*)

temoi a mekekerei el kukau.

temring: (*temr`ing*)

temring a ta er a bedengel a dellomel er a oreomel.

temtemuul: (*temtem`uul*)

temtemuul a kirel el metemtam; tomtetur, melemtam er ngii; kall a temtemuul.

tengadik: (*tengad`ik*)

tengadik a ta er a bedengel a suebek el charm; tengadidik.

tengal: (*teng`al*)

tengal a tang er ngii; tengal a blai.

tengangoi: (*tengang`oi*)

tengangoi a mekngit a omelekingel; ousekool er a ngerel el omekako; outengangoi.

tengaok: (*teng`aok*)

tengaok a mekngit el chelid; kokok rengalek a medakd a tengaok.

tengdall: (*tengd`all*) (1)

tengdall a kirel el metungd; tungdii a medudes er a buld; tmungd a bduu; tengdel.

tengdall: (*tengd`all*) (2)

tengdall a meritengtungd; betok a tengdel.

tengdel: (*tengd`el*)

tengdel a tungd er ngii el ngikel.

tengel: (*teng`el*)

tengel a meteu er ngii; teu.

tengelel: (*tengel`el*)

tengelel a metengel; tengelel a berius.

tengerdel: (*tengerd`el*)

tengerdel a tengod er ngii.

tengerengar: (*tengereng`ar*)

tengerengar a mekereker el chad; mesisiich a bedengel; outeliil a tengerengar.

tenget: (*teng`et*) (1)


tenget uldars el mo er a chelid; me a meang; melenget a udoud; tonget a kall, tengetengel.





- tenget:** (*teng`et*) (2)
tenget a sers; klekedall el
melenget; chesimer a tengetengel
a blai, tongetengii; tonget.
- tengetang:** (*tenget`ang*) (1)
tengetang a ta er a bedengel a
cheled.
- tengetang:** (*tenget`ang*) (2)
tengetang a olangch, tia kid a
tengetang (X).
- tengetang:** (*tenget`ang*) (3)
tengetang a mekekerei el chebouch
er a oreomel.
- tengetengel:** (*tengeteng`el*)
tengetengel a tenget er ngii;
melenget.
- tengetongel:** (*tenget`ongel*) (1)
tengetongel a kirel el metenget;
melai a tenget; tongetengii a kall;
tonget a udoud; chelid a
tengetongel.
- tengetongel:** (*tenget`ongel*) (2)
tengetongel a sersall; kirel el
metenget; tongetengii a butiliang;
tongetengii a ruoll el rael;
tengetengel.
- tengkel:** (*tengk`el*)
tengkel a tangk er ngii.
- tengklel:** (*tengkl`el*)
tengklel a omelongakl er ngii;
loiang er a bab, melongakl.
- tenglel:** (*tengl`el*)
tenglel a omelungl er ngii el
bechochod a bul; melungl.
- tengod:** (*teng`od*)
tengod a eoulbeluu er a chad;
uchauch me a uuk me a sako,
sekouel a chad.
- tengokill:** (*tengok`ill*)
tengokill a lechengaol er a bab;
kirel el metongakl; tmongkllii a
babier; tmongakl a bail, melongakl
a kall; tengklel.
- tengoll:** (*teng`oll*)
tengoll a kotengellakl; kotengoll a
diak le moded; kotengellakl el
chutem; kotengellel.
- terached:** (*ter`ached*)
terached a mekngit er ngii; kngtil,
merechorech a outerached;
rechorech a terechedel.
- teratel:** (*ter`atel*)
teratel a ta er a bedengel a ngikel.
- terbelel:** (*terbel`el*)
terebelel a terebel er ngii el blai.
- terbengel:** (*terbeng`el*)
terebengel a omerrob er ngii;
merrob.
- terdel:** (*terd`el*)
terdel a tord er ngii; metord.
- terebel:** (*ter`ebel*)
terebel a rael el oublallang el mo
ngmasech; terebelel a blai.
- terebengall:** (*terebeng`all*)
terebengall a olosech; kirel el
meterob; torebengii a omerael;
torob a osisebel a mekngit el kar;
terebengel.
- terechedel:** (*tereched`el*)
terechedel a terached er ngii;
mekngit el chisel; outerached.
- terechel:** (*ter`echel*) (2)
terechel a kltkat; telemall el mla
me chemolt a techel; telabd er a
chimal a terechel.
- terechel:** (*terech`el*) (1)
terechel a turech er ngii;
beterturech.
- terekill:** (*terek`ill*)
terekill a kirel meterakl; torekllii a
mechut el blai; torakl a kall;
tereklel.
- tereklel:** (*terekl`el*)
tereklel a blingelel el kall; terukel.
- tereklel:** (*terekl`el*)
tereklel a omerrakl er ngii;
merrakl.
- terekrik:** (*terekr`ik*)
terekrik a ta er a bedengel a ngikel.
- teremel:** (*terem`el*)
teremel a omelirem er ngii; melirem.
- tereter:** (*ter`eter*)
tereter a secher; rakd el
bekoiueuul.





tereu

tereu: (*ter`eu*)

tereu a olkael; ta el rreongel; ta el omereu; tereu el bambuu.

teribisibs: (*teribis`ibs*)

teribisibs a terremerumes; betok a blsibs er ngii.

teribsall: (*teribs`all*)

teribsall a beketeriobs; betok a teribsel.

teribsel: (*ter`ibsel*)

teribsel a teriobs er ngii; teribsel a sob; outeriobs.

teriobs: (*teri`obs*)

teriobs a iobs er a sob me a daob; outeriobs; teribsel.

terir: (*ter`ir*)

terir a oliich el rruul er a cheluib er a uel.

terrakl: (*terr`akl*)

terrakl a berriid; mla meterakl; toreklii a blai; tereklel.

terrekakl: (*terrek`akl*)

terrekakl a diak el ulekedmokl; terrekakl el ngalek a diak le cheleoch; meterekakl er ngii; terrekeklel.

terrekeklel: (*terrekekl`el*)

terrekeklel a terrekakl er ngii; meterekakl.

terremerumes: (*terremer`umes*)

terremerumes a tereblsibs.

terremokl: (*terrem`okl*) (1)

terremokl a mla meteremokl; terrob er a chutem; turemeklii el osus, turemokl, terremokl el ourreor; teremeklel.

terremokl: (*terrem`okl*) (2)

terremokl a bleu; terremokl a medal; mla meteremokl el obeu er a bad; teremeklel.

terriabek: (*terri`abek*)

terriabek a mla meteriabek; deledes, telebdabd; teleriabek a medal; terebekel.

terriid: (*terr`iid*)

terriid a ta er a bedengel a suebek el charm.

terr iter: (*terr`iter*)

terr iter a mla meteriter; seliik, dengerenger a terr iter el ngii a tilemellii; tirterii, tirtirel.

terrob: (*terr`ob*) (1)

terrob a chemau eou; terrob el ourreor; chebecheb, terebengel.

terrob: (*terr`ob*) (2)

terrob a blosech; mla meterob; terrob a urreor; torebengii a urreor e mengiil; bulis a mla torob a mlai; terebengel.

terrotel: (*terr`otel*)

terrotel a ta er a bedengel a dellomel er a oreomel.

terr uaol: (*terru`aol*)

terr uaol a ultechakl el chad; mlotechakl er a delengchokl; diak el rasech.

terruud: (*terr`uud*)

terruud a mla meterruud; berriid, telemall, torudii a blai, toruud a mlai; terudel.

terru adel: (*terru`adel*)

terru adel a kirel el meteruud; torudii a mechut el mlai; toruud, terudel.

terudel: (*ter`udel*)

terudel a omerruud er ngii; merruud.

terruer uadel: (*terrueru`adel*)

terruer uadel a mechut el klalo, blai el sokol el meteruud; mechitechut el soal meukel.

terruich: (*ter`uich*)

terruich a ochur (10), teruich el buil; teruich el klebesei, teruich el ekebil.

terrukel: (*ter`ukel*)

terrukel a bliongel er a kall; terekelel a klobak me a rubakldil; rruklir el kall; terekelel a beluu.

terru moch: (*terru`och*)

terru moch a kekedeb a isngel; teru moch a isngel; rusech el iis.

terru ng: (*ter`ung*)

terru ng a ochur (2) el mo er a rechad; teru el buik; ekebil a teru ng; teru el mechas; teru el chad.





- tet:** (*t`et*)
tet a bliil a klalo; tet er a chemachel, udoud, outet, til.
- tetael:** (*tet`ael*)
tetael a kirel el meteot; toetii a deel; toeot a kerrekar; meleot er a blai.
- tetat:** (*tet`at*)
tetat a di telkib; di tang; tia tetat el mamed me le bilem.
- teteberodech:** (*teteber`odech*)
teteberodech a cherodech; mereched a lolekoi.
- tetekill:** (*tetek`ill*)
tetekill a kirel el metetekakl; toteklii a dui; meltekakl er ngii, totekakl a okul a ert, teteklel.
- tetemel:** (*tetem`el*)
tetemel a tetomel er ngii.
- tetengall:** (*teteng`all*) (1)
tetengall a kirel mo meteteu; tmetengii a ngerel; tmeteu a ngerir, tengel.
- tetengall:** (*teteng`all*) (2)
tetengall a kirel el mesodel; kirel el metat; totengii a babier; tmat a bail, tetengel.
- tetengel:** (*teteng`el*)
tetengel a omelat er ngii; melat.
- tetengemud:** (*tetengem`ud*)
tetengemud a kmal kekerei; tetengemud el ngalek e melamech.
- teterebuis:** (*tetereb`uis*)
teterebuis a kemanget el iis; chad er a Merikel a teterebuis a isngel.
- tetiu:** (*tet`iu*)
tetiu a ochur (9) el mo er a rechad; tetiu el chad, tetiu el buik, tetiu el rubak, tetiu el ekebil.
- tetiuall:** (*tetiu`all*)
tetiuall a medudes er a buld; ngar er ngii a lalech me a ralm er ngii ; chimak a tetiuall.
- tetiud:** (*tet`iud*)
tetiud a bita er a teliud; tetiud el bobai, tetiud el brak.
- etkall:** (*etk`all*)
etkall a kirel el metutk; tutkii a bobai; tmutk a mengur; tetkel.
- etkel:** (*etk`el*) (1)
etkel a omelutk er ngii; melutk.
- etkel:** (*etk`el*) (2)
etkel a tutk er a chereuel a ochil.
- etmotm:** (*etm`otm*)
etmotm a ochur; ta el omelotm; etmotm el titimel; melmotm, tmetmel.
- etomel:** (*et`omel*)
etomel a ultobed er a chad el diak el kirel el ngar ngii; etomel a dingal; etemel.
- etongel:** (*et`ongel*)
etongel a tetengall.
- etukel:** (*et`ukel*)
etukel a tetekill; kirel el metekakl; meltekakl er a dui.
- teu:** (*t`eu*) (1)
teu a tengel; meteu er ngii; teu er a rael.
- teu:** (*t`eu*) (2)
teu a teleu; teleu el urreor; diak el rrekui; melenget a teu.
- teuang:** (*teu`ang*)
teuang a ochur (4) el mo er a rechad; teua el buik, teua el ekebil, mechas a teuang; teua el chad.
- teueto:** (*teu`eto*)
teueto a soal el oltitech; orribech, meleueto el soiseb er a diak el chetemel.
- teuid:** (*teu`id*)
teuid a ochur (7) el mo er a rechad; teuid el ngalek, teuid el rubak, teuid el buik.
- teuochel:** (*teu`ochel*)
teuochel a kirel el metooch; melooch er ngii; tochel a ngalek.
- tiaki:** (*ti`aki*)
tiaki a udoud el ulsirs er a bedeel a udoud; loia tiaki e medir a ududel, tieklel a beldoel el udoud





tiakl

tiakl: (*ti`akl*) (1)

tiakl a udoud el ongit el mo er a chelid el kirel a klengeltengat; udoud el ngeso el mo er a oumekemad el beluu.

tiang: (*ti`ang*)

tiang a olsechall er a melekoi er a klalo el kmeed er ngii; tia el babier, tia el udoud, tia el kall.

tiau: (*ti`au*)

tiau a ta er a bedengel a ngikel.

tibechnall: (*tibechn`all*)

tibechnall a kirel el metboech; tibechnii a sechelil; tiboech; melboech er ngii; tibechnel.

tibechnel: (*tibechn`el*)

tibechnel a omelboech er ngii; melboech.

tibechnii: (*tibechn`ii*)

tibechnii a melboech er ngii.

tibenged: (*tib`enged*)

tibenged a melibenged; outibenged; meses el mengemull; tibengedel.

tibengedel: (*tibenged`el*)

tibengedel a omelibenged er ngii; melibenged.

tibengedii: (*tibenged`ii*)

tibengedii a melibenged er ngii; outibenged.

tibetbii: (*tibetb`ii*) (1)

tibetbii a melbotb er ngii el bambuu.

tibetbii: (*tibetb`ii*) (2)

tibetbii a melib er a mo ungil el llach; oterkeklii a telbiil.

tibetibek: (*tibet`ibek*)

tibetibek a melebetibek; meringel el osiik; tibetibekmiich.

tibi: (*tib`i*) (rrodel)

tibi a rakd; rekedel a olemed er a chad.

tibidii: (*tibid`ii*)

tibidii a melboid er ngii.

tibir: (*tib`ir*)

tibir a melib er ngii; rullii el mo ta uldasu; tbiil.

tiboech: (*tib`oech*)

tiboech a melboech; tibechnel a sechelil; tibechnel.

tiboid: (*tib`oid*)

tiboid a melboid; resoldau a mla tiboid a bosir; tibidii a bosel, tibidel a boes.

tibotb: (*tib`otb*)

tibotb a melbotb; tibotb a oluus; tibetbii a ngais; tibetbel.

tichall: (*tich`all*)

tichall a kirel el metuich; tuiechii a rael; tmuich a ngikel, tichel.

ticheklel: (*tichekl`el*)

ticheklel a omelichekl er ngii; melichekl.

ticheklii: (*tichekl`ii*)

ticheklii a melichekl er ngii; ticheklel.

tichel: (*tich`el*)

tichel a tuich er ngii; meluich; omeluich er ngii.

tichiau: (*tichi`au*)

tichiau a udoud el motobed er a rurot el mo er a mlo tuchelii a dui el rubak; me a lechub e ng mechas; outichiau.

tichiir: (*tich`iir*)

tichiir a melechiir; tichirii a meradel; tichiir a iedel; oba sualo el omed.

tidel: (*tid`el*)

tidel a tiid er ngii; tmiid.

tiei: (*ti`ei*)

tiei a olsechall er a melekoi; mei er tiei, tiei a blik, ak ngar er tiei?

tiel: (*ti`el*)

tiel a orengsel; tiel el cheluch.

tiichekl: (*tiich`ekl*)

tiichekl a melichekl.

tiid: (*t`iid*)

tiid a sperm (Eng), tmiid, tidel.

tikeuel: (*tikeu`el*)

tikeuel a omeliko er ngii; meliko.

tikir: (*tik`ir*)

tikir a melik er ngii. chelimetemet chimal e tikir.



- tiklel:** (*tikl`el*)
tiklel a teliakl er ngii; meliakl.
- tiklii:** (*tikl`ii*)
tiiklii a meliakl; melibuk er ngii;
tiiklel.
- tikmii:** (*tikm`ii*)
tikmii a melikm; melechesech er
ngii; tikmii a ngerel er a kall.
- tikuui:** (*tiku`ii*)
tikuii a meliko er ngii.
- tilechang:** (*tilech`ang*)
tilechang a melekoi er a cheroid er
ngii el mengedecheduch e kmeed
er a orrenge; beskak tilicha el
babier; tilecha el blai.
- tilechii:** (*tilech`ii*)
tilechii a melilech er ngii; nguu el
mengkengkii.
- tilol:** (*til`ol*)
tilol a ta er a bedengel a kerrekar.
- timetmall:** (*timetm`all*)
timetmall a kirel metmotm;
melmotm er ngii; timetmii a
titimel, timotm a medal a ngikel;
timetmel.
- timetmel:** (*timetm`el*)
timetmel a omelotm er ngii;
melmotm.
- timetmii:** (*timetm`ii*)
timetmii a melmotm er ngii.
- timotm:** (*tim`otm*)
timotm a melmotm.
- tingakl:** (*ting`akl*)
tingakl a melngakl a reng;
meluluuch.
- tingaol:** (*ting`aol*)
tingaol a outingaol; omulak;
tingaol el dil a outingaol er a
sechal e melai a soal; telingolel;
mengeblad.
- tingechall:** (*tingech`all*)
tingechall a kirel metngoech;
merort a kukau; tingoech a kukau;
tingechel.
- tingechel:** (*tingech`el*)
tingechel a omelngoech er ngii;
melngoech.
- tinget:** (*t`inget*)
tinget a kelekedall el melinget;
tingetii; tminget a butiliang;
tngetel.
- tingetall:** (*tinget`all*)
tingetall a dengobel; kirel el
metinget; tingetii, tminget a
butiliang.
- tingetel:** (*tinget`el*)
tingetel a omelinget er ngii;
melinget.
- tingetii:** (*tinget`ii*)
tingetii a melinget er ngii.
- tingoech:** (*ting`oech*)
tingoech a melngoech; merort a
kukau, tingechii; tingechel.
- tiochel:** (*ti`ochel*)
tiochel a beketiochel; meklou e
betok a techel; tiochel el diokang.
- tir:** (*t`ir*)
tir a melekoi er a rebetok el chad;
kau me ngak me tir a mong.
- tirecherech:** (*tirech`erech*)
tirecherech a tokeai; chad el
dullokl el mo er a uriul;
oltirecherech; tirecherechel.
- tirecherechel:** (*tirecherech`el*)
tirecherechel a tirecherech er ngii.
- tiremii:** (*tirem`ii*)
tiremii a melirem er ngii; teremel
a olekang.
- tiriter:** (*tir`iter*)
tiritel a merriter; tirterii, osiik,
miich, tiriter a klemerang; tirterel.
- tirkang:** (*tirk`ang*)
tirkang a kirir a rechad el kmeed er
ngii el melekoi; tirka te rua
techang?
- tirkei:** (*tirek`ei*)
tirkei a tekoi el mo er a rechad el
cheroid el ngii el melekoi e dirrek
el cheroid er a orrenge; tirkei
te mo er ker?
- tirterall:** (*tirter`all*)
tirterall a siokel; kirel el meteriter;
tirterii a klemerang; tiriter a ungil,
merriter a tekoi; tirterel.



tirterel

tirterel: (*tirter`el*)

tirterel a omerriter er ngii; merriter.

tirterii: (*tirter`ii*)

tirterii a merriter er ngii.

titai: (*tit`ai*)

titai a klekedall el melitai; titiul.

titall: (*tit`all*)

titall a kirel el metit; tmit a ilumel el mengur; melit, titir, titil.

titech: (*t`itech*)

titech a klekedall el melitech; rullii a medidai el mo kmes; titechii a osib; tmitech a kamang; titechel.

titechall: (*titech`all*)

titechall a kirel el metitech; loia titechel; titechii a osib; tmitech a oles, melitech; titechel.

titechel: (*titech`el*)

titechel a omelitech er ngii; titech er ngii; melitech.

titechii: (*titech`ii*)

titechii a melitech er ngii.

titengedel: (*titenged`el*)

titengedel a titenganged er ngii; oltitenganged.

titil: (*tit`il*)

titil a omelit er ngii el mengur.

titimel: (*tit`imel*)

titimel a ta er a bedengel a kerrekar el kall e ilumel a rdechel; kall a llel.

titir: (*tit`ir*)

titir a melit er ngii.

titiul: (*titi`ul*) (1)

titiul a omelitai er ngii; titai er ngii.

titiul: (*titi`ul*) (2)

titiul a ngalek er a ongeua el mo er a bab el cheroll; ngalek er a kemanget el cheroll.

titiur: (*titi`ur*)

titiur a melitai er ngii.

titiuul: (*titi`uul*)

titiuul a kirel el metitai; melitai er ngii; titiuul a bduu.

titmekl: (*titm`ekl*)

titmekl a klou e mo kekerei; cheled el mekerekur a mo titmekl; titmeklel.

titmeklang: (*titmekl`ang*)

titmeklang a mla mo titmekl.

titmeklel: (*titm`eklel*)

titmeklel a titmekl er a rur.

titngot: (*titng`ot*)

titngot a outitngot; mengaititngot; omerdekekl er a bita el oach.

tiuach: (*tiu`ach*)

tiuach ta er a bedengel a cheled.

tiualech: (*tiu`alech*)

tiualech a klekedall el meliualech; tiuelechel a iedel, kerrekar el lolab el olengill; meliualech a rodech.

tiuall: (*tiu`all*)

tiuall a kirel el metaiu; melaiu er ngii; toiuii a chimal; tmai u a bedengel; tiuel.

tiuchel: (*ti`uchel*)

tiuchel a belsiich el selubs er a mallolau; tiuchel a kelel a debel; kelir a rebladek.

tiuedii: (*tiued`ii*)

tiuedii a meliud er ngii.

tiuel: (*ti`uel*)

tiuel a omelaiu er ngii; melaiu.

tiuelechall: (*tiuelech`all*)

tiuelechall a kirel el metiualech; tiuelechii a iedel; toiualech, meliualech a meradel, tiuelechel.

tiuelechel: (*tiuelech`el*)

tiuelechel a tiualech er ngii; omeliualech er ngii

tiuelechii: (*tiuelech`ii*)

tiuelechii a meliualech er ngii.

tiul: (*ti`ul*)

tiul a beches el duubech er a chechedal a kerrekar; tiul a meradel.

tiungar: (*tiung`ar*)

tiungar a meliu er ngii.

tkael: (*tk`ael*)

tkael a debokl; kirel el metuk; tukur a kerrekar; duebes, tmuk, meluk a idungel; tkul a idungel.

tkakl: (*tk`akl*)

tkakl a delisakl el melisakl; klekedall el melkakl; tukeklii a blai; tukakl, tkekkel.



- tkekill:** (*tkek`ill*)
tkekill a kirel el metkaki; melisaki er a blai; tukeklii, tukakl., tkeklel.
- tkeklel:** (*tkekl`el*)
tkeklel a tkakl er ngii; omelkaki er ngii.
- tkeuel:** (*tkeu`el*)
tkeuel a omeliko er ngii; meliko.
- tkiil:** (*tk`iil*)
tkiil a kirel el metik; tikir, tmik; diak el tkiil a chad.
- tkool:** (*tk`ool*)
tkool a kirel el metiko; tikoueii a ngalek; tmiko a kall; meliko, tkeuel.
- tkul:** (*tk`ul*)
tkul a ulebongel; tkul a daob; tkul a rael; tkul a mekesokes.
- tmaiu:** (*tm`aiu*)
tmaiu a melaiu; tmaiu a bedengel; toiuii a medal; tiuel.
- tmak:** (*tm`ak*) (1)
tmak a ngmasech; doiderek; mla tmak er a mlai; tmak er a skoki.
- tmak:** (*tm`ak*) (2)
tmak a merderd; tmak er a ochil; tmak er ngii; sorechii; merderd.
- tmaod:** (*tm`aod*)
tmaod a melaod el oba taod; tmodii a kelel; tmaod a mekebud; todel.
- tmat:** (*tm`at*)
tmat a melat; smodel, totengii a bail; tetengel.
- tmau:** (*tma`u*)
tmau a melau; tour; tmau er a mekeald; teul a such.
- tmaut:** (*tm`aut*)
tmaut a taut; telburech e tmaut; tutel er a burech; subechii er ngii.
- tmelang:** (*tmel`ang*)
tmelang a melang.
- tmetengii:** (*tmeteng`ii*)
tmetengii a meleteu er ngii; rullii el mo meteteu.
- tmeteu:** (*tmet`eu*)
tmeteu a meleteu; tmeteu a ngerir.
- tmik:** (*tm`ik*)
tmik a melik; lmuut el meliokl a marek el ongraol; tmik a beliisch el kukau.
- tmiko:** (*tm`iko*)
tmiko a meliko; tikouii a ngalek; tmiko a dait, tkil a babier.
- tmilech:** (*tm`ilech*)
tmilech a melilech; tilechii a dubech; tmilech a ochil er a ulaol; telechel.
- tminget:** (*tm`inget*)
tminget a melinget a chemars; tminget a butiliang; tngetetel.
- tmit:** (*tm`it*)
tmit a melit; titil a mengur.
- tmitech:** (*tm`itech*)
tmitech a melitech; locha titech; titechii, tmitech a osib; titechel.
- tmiu:** (*tm`iu*)
tmiu a meliu; telkool er a chimal.
- tmiud:** (*tm`iud*)
tmiud a meliud; meliud er a bobai; tiuedii a brak; tudel a sangdiang.
- tmoched:** (*tm`oched*) (1)
tmoched a meloched; techedel a such a mla tmoched a chimak.
- tmoched:** (*tm`oched*) (2)
tmoched a tmurk a rengul er a urreor; ak mla tmoched er a meringel el urreor.
- tmochii:** (*tmoch`ii*)
tmochii a melooch er ngii.
- tmodii:** (*tmod`ii*)
tmodii a melaod er ngii.
- tmoech:** (*tm`oech*)
tmoech a ngmoech er a bitang; tmoech er a metetoech; techel. er a rebai.
- tmongakl:** (*tmong`akl*)
tmongakl a melongakl; locha er bab.
- tmongeklii:** (*tmongkl`ii*)
tmongeklii a melongakl er ngii.
- tmooch:** (*tm`ooch*)
tmooch a melooch a cheremel el babii.



tmorech

tmorech: (*tm`orech*)

tmorech a torech; kmoll a ochil el moubuu; terechel er a ketiterachel.

tmouch: (*tm`ouch*)

tmouch a melouch; melai a ramek; tmouch a ramek; touchii a kebui, tuchel a kebui.

tmuchel: (*tm`uchel*)

tmuchel a meluchel; olab a klalo er a bdelul; tmuchel a kall; tuchelii a til, techelel a kall.

tmudii: (*tmud`ii*)

tmudii a tiuedii; meliud er ngii.

tmuich: (*tm`uich*)

tmuich a meluich; tmuich a medal; tichel a mad.

tmuk: (*tm`uk*) (1)

tmuk a meluk; tmuk a klemanget; tukur a teu; osiik er a teu me a klemangel; tkul.

tmuk: (*tm`uk*) (2)

tmuk a melobech; melebes; tukur a deb; kkul.

tmungd: (*tm`ungd*)

tmungd a melungd; tungd a mla tmungd a ochik.

tmungl: (*tm`ungl*)

tmungl a melungl; ungil el iis a tmungl a bau; turengur a bul; tenglel.

tmur: (*tm`ur*)

tmur a kot el buil er a rak er a Belau.

tmurk: (*tm`urek*)

tmurk a mo subechii er ngii; mlai a mla tmurk er a cheldukl; ert a tureka er a beluu.

tmut: (*tm`ut*)

tmut a melmotm a tut; ngalek a tmot a tul a delal; tetul a tut.

tmutk: (*tm`utk*)

tmutk a melutk; tmotk a mengur; tutkii a iedel, tetkel a mengur.

tmuu: (*tm`uu*)

tmuu a soiseb; tmuu er a blai; otungii er a chelsel; otuu, otungel.

tngakireng: (*tngakir`eng*)

tngakireng a melngakl a rengul; meluluuch, msa udoud el orellel a reng; tingakl, tngeklel.

tngakl: (*tng`akl*)

tngakl a melngakireng; omudech; tngakireng.

tnged: (*tng`ed*)

tnged a outnged; oumekngit, oudebsochel, diak el ungil a ngerel me a medal er a chad.

tngekill: (*tngek`ill*)

tngekill a kirel el metngakl; kirel el mengunguuch; tngeklii a rengul a meltord; locha tngakireng; tngeklel.

tngeklel: (*tngekl`el*)

tngeklel a melngakl er a rengul.

tnger: (*tng`er*)

tnger a ulekabes el meched; meched el ulekabes er a toachel.

tngetel: (*tnget`el*)

tngetel a tinget er ngii; melinget.

tngetngel: (*tngetng`el*)

tngetngel a omelngot er ngii; melngot.

tngetngudel: (*tngetng`udel*)

tngetngudel a beketertord; metord er a di beot el tekoi.

tngetungel: (*tnget`ungel*)

tngetungel a siokel; kirel el metngot; tungetngii; tungot a brak; tngetngel.

toachel: (*to`achel*)

toachel a dmolech el chei el oumellemau; Toachelmid.

Toachelmid: (*toachelm`id*)

Toachelmid a toachel er a Ngeremid.

Toachelmlengui: (*toachelmleng`ui*)

Toachelmlengui a toachel er a Ngeremlengui.

toadel: (*to`adel*)

taodel a kirel el metaod; tmaod a mekebud, tmodii a kall, melaod, todel.





- tobal:** (*tob`al*)
tobal a melebal; melemall,
tobelengii a chad el ousbech a olai;
ouelai; tobal a klalo, tebelengel.
- tobdii:** (*tobd`ii*)
tobdii a melabd er ngii.
- tobedang:** (*tobed`ang*)
tobedang a mla tuobed; merolang;
mlai a tobedang; tebedel.
- tobedechad:** (*tobedech`ad*)
tobedechad a ta er a telengtengil a
kemeldiil; deleb a direke teloi
er a rechad.
- tobedechelid:** (*tobedechel`id*)
tobedechelid a ta er a telengtengil a
kemeldiil; deleb a mocha teloi er
a rdeleb.
- tobedrarebai:** (*tobedrareb`ai*)
tobedrarebai a dil el bechiil e
motitech er a ta er a redil; mo diak
el bechiil a tuobed er a rebai.
- tobedung:** (*tobed`ung*)
tobedung a kmeed el tuobed,
merolung, mlai a tobedung;
tebedel.
- tobekii:** (*tobek`ii*)
tobekii a melabek er ngii; tebekel.
- toberall:** (*tober`all*)
toberall a tobek a medal; tobiiall.
- toberechellii:** (*toberechel`ii*)
toberechellii a meleberechel er ngii
el oungeroel; teberechelel.
- tobiiall:** (*tobi`all*)
tobiiall a melebiiall a medal.
- tobtebur:** (*tobteb`ur*)
tobtebur a melebtib er ngii; tebtib.
- tobtib:** (*tobt`ib*)
tobtib a melebtib, tbetbil.
- tochebii:** (*tocheb`ii*) (1)
tochebii a melacheb er ngii; ngikel
a mla tochebii a ochik; techebel.
- tochebii:** (*tocheb`ii*) (2)
tochebii a melecheb er ngii el belsiich.
- toched:** (*t`oched*)
toched a kedorem el klalo; oloched
el ngar er a such; techedel a
biskang, techedel a meradel.
- tochedii:** (*toched`ii*)
tochedii a meloched er ngii;
techedel.
- tochedulik:** (*toched`ulik*)
tochedulik a ta er a bedengel a
besebes er a oreomel el
beritechetoched.
- tochel:** (*toch`el*)
tochel a taoch er ngii.
- tochel:** (*toch`el*)
tochelel a toachel er ngii el beluu.
- tochelbii:** (*tochelb`ii*)
tochelbii a melecholb er ngii;
techelbel.
- tochetech:** (*toch`etech*)
tochetech a melechetech; misii a
beluu; tochetechii a beluu.
- tochetechii:** (*tochetech`ii*)
tochetechii a omelechetch er ngii;
roitechetchii, misii a oreomel;
tochetechii a beluu.
- tocholb:** (*toch`olb*)
tocholb a melecholb el okngemed a
ralm; techelbel.
- todel:** (*tod`el*)
todel a taod er ngii el biskang.
- toeot:** (*toe`ot*)
toeot a meleot; toetii a blai, toeot a
kerrekar; teteel.
- toetii:** (*toet`ii*)
toetii a meleot er ngii.
- toi:** (*t`oi*)
toi a delongelel a chelebacheb.
- toilalech:** (*toil`alech*)
toilalech a ta er a bedengel a
besebes el meklou a llel.
- toilbeluu:** (*toilbel`uu*)
toilbeluu a mekekerei el beluu.
- toitai:** (*toit`ai*)
toitai a melitai; toitai a bduu; titiul.
- toitiur:** (*toiti`ur*)
toitiur a melitai er ngii; titiul a bduu.
- toiualech:** (*toiu`alech*)
toiualech a meliualech; toiuuelechii
a iedel; tiuelechel.
- toiuuelechii:** (*toiuuelech`ii*)
toiuuelechii a meliualech er ngii.





toiuii

toiuii: (*toiu`ii*)

toiuii a melaiu er ngii; tiuel a
bdelul el meringel.

toketek: (*tok`etek*)

toketek a meleketek; toketekii a
blai; teketekel a kall.

toketekii: (*toketek`ii*)

toketekii a meleketek er ngii;
teketekel.

toketok: (*toket`ok*)

toketok a smau el outokotok;
medecherecher a ngerel; meringel
el mesaod, teloketok.

tokingii: (*toking`ii*)

tokingii a melekoi er ngii; tokingii
tiei me tiei; smodii tiei me tiei;
soal el melekoi.

toktang: (*tokt`ang*)

toktang a chad el omes e omkar
a secher.

tokuau: (*toku`au*)

tokuau a melekuau; telekuau;
tokuau a kall e merael.

tokuir: (*tok`uir*)

tokuir a melekuau er ngii;
telekuau.

tolbengii: (*tolbeng`ii*)

tolbengii a mellib er ngii;
telbengel.

tolchinglel: (*tolching`el*)

tolchinglel a tolechoi er ngii.

tolechoi: (*tolech`oi*)

tolechoi a kekerei el ngalek; dirke
mlechell el ngalek; tolchinglel.

tolekgel: (*tolekg`el*)

tolekgel a toluk er ngii.

tolib: (*tol`ib*)

tolib a mellib; mla tolib a belatong;
telbengel.

toluk: (*tol`uk*)

toluk a cheluiib er a uel el belatong.

tomall: (*tom`all*)

tomall a melemall; toruud, mla
tomellii a blai; tomall a udoud er a
beluu; temellel.

tomato: (*tomat`o*)

tomato a dellomel el kall a rdechel.

tomeii: (*tome`ii*)

tomeii a tomir; metom er ngii; ak
mla tomeii a ngerek e dmu a
berotel el tekoi.

tomellii: (*tomell`ii*)

tomellii a melemall er ngii;
temellel.

tometemii: (*tometem`ii*)

tometemii a melemotem er ngii;
temetemel.

tometii: (*tomet`ii*)

tometii a melamet er ngii; temetel.

tomii: (*tom`ii*)

tomii a tomir.

tomir: (*tom`ir*)

tomir a metom er ngii; tomii; mla
tomir a bduu; temeel.

tomkii: (*tomk`ii*)

tomkii a melamk er ngii; tuamk a
chesemel; tomkii a babii; temkel.

tomotem: (*tom`otem*)

tomotem a melemotem; temetemel
a kerrekar.

tomtam: (*tomt`am*)

tomtam a melemtam; temtemul a
kall.

tomtemur: (*tomtem`ur*)

tomtemur a melemtam er ngii;
temtemul a kelel.

tonget: (*t`onget*) (1)

tonget a ta er a bedengel a kerrekar
el ongut; mechut er a tonget.

tonget: (*tong`et*)

tonget a melenget; merers,
tongetengii a rael; tonget a tuangel,
tengetengel.

tongetengii: (*tongeteng`ii*)

tongetengii a melenget er ngii.

tongetngelel: (*tongetngel`el*)

tongetngelel a tongetongel er ngii.

tongetongel: (*tonget`ongel*)

tongetongel a telemall a isngel;
mekngit a omelekingel,
tongetngelel.

tongklel: (*tongkl`el*)

tongklel a omelongakl er ngii;
melongakl.





- tongklij:** (*tongkl`ii*)
tongklij a melongakl er ngii;
tongklel.
- torar:** (*tor`ar*)
torar a klekedellel a mlai er a daob.
- tord:** (*t`ord*)
tord a metord; metemall a rengul;
mo mekngit a rengul; terdel.
- tordii:** (*tord`ii*)
tordii a melord er ngii; tomellii a
rengul.
- torebengii:** (*torebeng`ii*)
torebengii a omosech er ngii;
merrob er ngii; rullii el mo diak;
terebengel.
- torech:** (*t`orech*) (1)
torech a ta er a bedengel a besebes
el kall a llel.
- torech:** (*t`orech*) (2)
torech a tmorech er a ketiterachel.
- torech:** (*t`orech*) (3)
torech a tmorech; llaokreng a
torech er a redil.
- torech:** (*t`orech*) (4)
torech a nganget er a ilteet; meteet
mo bechiil er a olbetingel el beluu.
- torekaki:** (*torek`aki*)
torekaki a merrekaki; diak
longedmokl; torkeklij a beches el
mlai; terekekkel.
- torekeklij:** (*torekekli`ii*)
torekeklij a merrekaki er ngii.
- toreklij:** (*toreklij`ii*)
toreklij a merraki er ngii;
terekkel.
- torel:** (*tor`el*)
torel a taor er ngii.
- torib:** (*tor`ib*)
torib a mekor; omitech a
omerolel; omekbita a lorael; torib
a ochil.
- torob:** (*tor`ob*)
torob a omosech; merrob, torbengii
er a mo er a skuul; torob a mlai;
terebengel.
- torudii:** (*torud`ii*)
torudii a meruud er ngii; terudel.
- toruud:** (*tor`uud*)
toruud a merruud; melemall; mla
toruud a mlai; torudii a blai;
terudel.
- totau:** (*tot`au*)
totau a kerreel el orreked; melechet
er a kemtai er a mlai er a daob;
totongel a mlai.
- totekaki:** (*totek`aki*)
totekaki a meltekaki; toteklij a
dui; totekaki a llel a tuu; tetekkel.
- toteklij:** (*totekli`ii*)
toteklij a meltekaki er a dui; tetekkel.
- totengii:** (*toteng`ii*)
totengii a melat er ngii.
- totongel:** (*totong`el*)
totongel a totau er ngii el mlai.
- touch:** (*t`ouch*)
touch a rakd er a cherouel a oach;
tuchel.
- touchaki:** (*touch`aki*)
touchaki a diak lolemolem er a
omerolel; touchaki er a ta er a rael;
otucheklij; tuchekkel.
- touechel:** (*tou`echel*) (1)
touechel a dellomel el usbechall el
chado er a blai.
- touechel:** (*tou`echel*) (2)
touechel a kirel el metouch; kirel el
mengai; melouch a dui, tmouch a
touechel; tuchel a dui.
- toukoku:** (*touk`ouk*)
toukoku a melukoku; meledaes,
toukukij a oreomel; tokoku a rael;
tukukel.
- toukukij:** (*toukukij`ii*)
toukukij a melukoku er ngii; tukukel.
- tour:** (*to`ur*)
tour a melau er ngii; teul a such.
- trombetang:** (*trombet`ang*) (rrodel)
trombetang klekedall er a
omengitaki; tumetum;
outerombetang.
- tuab:** (*tu`ab*)
tuab a di telkib el dengchokl;
otebengii, touchaki el olengull e
merolung; ak di ultab e merael.





tuabd

tuabd: (*tu`abd*)

tuabd a melabd; melai a buld;
tuabd a budel a kerrekar, tobdi a
tebudel; tebdel a kerrekar.

tuabek: (*tu`abek*)

tuabek a melabek; mla tuabek a
mechut el bilel me a bilek;
tebekel.

tuacheb: (*tu`acheb*)

tuacheb a melacheb; meas a mla
tuacheb a chimal; tochebii a ochik;
techebel.

tual: (*tu`al*)

tual a dellemelel el tuu.

tuamet: (*tu`amet*)

tuamet a melamet; omeklemalt;
ekebil a mla tuamet a chiul; tometii
a rengul; temetel a reng.

tuamk: (*tu`amk*)

tuamk a melamk; melai a busech;
tomkii, tuamek a chesemel; temkel.

tuang: (*tu`ang*)

tuang a bilis.

tuangel: (*tu`angel*)

tuangel a siseball er a blai;
tungelel.

tub: (*t`ub*)

tub a kikiongel el tuobed a ngor;
tbal, melub er a olbaol; tubar a
chutem.

tubar: (*tub`ar*)

tubar a melub er ngii.

tubechad: (*tubech`ad*)

tubechad a mekngit el blebael;
tubechad el chad.

tubechebachel: (*tubecheb`achel*)

tubechebachel a klou el ulk;
tubechebachel el klidm;
tubechebachel el chedecholl;
diak el telngudel.

tubechii: (*tubech`ii*)

tubechii a melubech er ngii.

tubedobed: (*tubed`obed*)

tubedobed a orrechd el merekui;
klou a bedechel; outubedobed a
kall; tubedebedii a odoim;
tubedobed er a cheldecheduch.

tubereberek: (*tubereb`erek*)

tubereberek a obereberek;
tubereberek el ked.

tubokInguches: (*tubokIng`uches*)

tubokInguches a kesemesemek e
bedelkall; klsesechebuul.

tuchelbaki: (*tuchelb`aki*)

tuchelbaki a melechelbaki er a
daob; tuchelbaki er a ralm;
techelbeklel.

tuchelbeklii: (*tuchelbekl`ii*)

tuchelbeklii a melechelbaki er ngii.

tucheleklii: (*tuchelekl`ii*)

tucheleklii a melechelokl er ngii.

tuchelel: (*tuchel`el*)

tuchelel a dellemelel el touechel.

tuchelokl: (*tuchel`okl*)

tuchelokl a melechelokl;
techeleklel a chutem me a oreomel.

tuchemaki: (*tuchem`aki*)

tuchemaki a melechemaki;
omekeek a ngerir; techemeklel a
ngor.

tuchemeklii: (*tochemekl`ii*)

tuchemeklii a melechemaki er ngii.

tucheraki: (*tucher`aki*)

tucheraki a melecheraki.

tuchereklii: (*tucherekl`ii*)

tuchereklii a melecheraki er ngii.
techereklel.

tuchetechii: (*tuchetech`ii*)

tuchetechii a melechotech er ngii.

tuchiur: (*tuchi`ur*)

tuchiur a melechui er ngii.

tuchotech: (*toch`otech*)

tuchotech a melechotech; techetechel.

tuchui: (*tuch`ui*)

tuchui a melechui.

tudab: (*tud`ab*)

tudab a ekil el klekedellel a mlai
er a daob.

tudaol: (*tud`aol*)

tudaol a teludaol.

tudebengel: (*tudebeng`el*)

tudebengel a tudab er ngii.

tudel: (*tud`el*)

tudel a omeliud er ngii; meliud.

